

Apabila sesuatu fi'il dikaitkan dengan dua isim, sedangkan fi'il itu hanya layak dikaitkan dengan satu saja daripada dua isim tersebut, maka mengikut pendapat yang lebih sahih (/rajih), perlulah ditaqdirkan fi'il lain yang sesuai dengan isim satu lagi.	إِذَا اسْتَدِلَّ بِالْفِعْلِ لِشَيْئَيْنِ، وَهُوَ فِي الْحَقِيقَةِ لِأَحَدِهِمَا، يُقَدَّرُ لِلْآخَرِ فِعْلٌ يَنَاسِبُهُ عَلَى الْأَصَحِّ	قاعدة 6
---	--	----------------

Qaedah ini boleh diaplikasikan pada firman Allah berikut:

وَالَّذِينَ تَبَوَّءُوا الدَّارَ وَالْإِيمَانَ مِنْ قَبْلِهِمْ يُحِبُّونَ مَنْ هَاجَرَ إِلَيْهِمْ وَلَا يَجِدُونَ فِي صُورِهِمْ حَاجَةً مِمَّا أُوتُوا وَيُؤْثِرُونَ عَلَىٰ أَنْفُسِهِمْ وَلَوْ كَانَ بِهِمْ خَصَاصَةٌ وَمَنْ يُوقِ شَحْنَنَفسِهِ فَأُولَٰئِكَ هُمُ الْمُفْلِحُونَ ﴿٩﴾

9. Dan orang-orang (Ansar) yang mendiami negeri (Madinah) serta beriman sebelum mereka, mengasihi orang-orang yang berhijrah ke negeri mereka dan tidak ada pula dalam hati mereka perasaan berhajatkan apa yang telah diberi kepada orang-orang yang berhijrah itu dan mereka juga mengutamakan orang-orang yang berhijrah itu lebih daripada diri mereka sendiri, sekalipun mereka dalam keadaan kekurangan dan amat berhajat dan (ingatlah), sesiapa yang menjaga serta memelihara dirinya daripada dipengaruhi oleh tabi'at bakhilnya, maka merekalah orang-orang yang berjaya. (al-Hasyr:9).

Perkataan تَبَوَّءُوا yang merupakan fi'il itu dikaitkan dengan dua isim sebagai maf'ulnya, الدار dan الإيمان. Padahal perkataan الدار sahaja yang layak dijadikan sebagai

maf'ulnya. Maka dalam keadaan ini perlu ditaqdirkan fi'il lain yang sesuai dengan الإيمان sebagai maf'ulnya. Misalnya ditaqdirkan وأخلصوا sebelumnya. Dalam masalah ini terdapat khilaf di kalangan para 'ulama' tentang qaedah taqdirkah yang lebih baik dipakai atau qaedah tadhmin (تضمين)? Kalau dipakai qaedah taqdir, maka taqdirnya adalah seperti yang diberikan tadi. Dan kalau qaedah tadhmin pula yang dipakai, maka semestinya perkataan تابوعوا itu dita'wilkan dengan fi'il lain yang sesuai menjadikan kedua-dua isim selepasnya sebagai maf'ulnya. Misalnya perkataan itu dita'wil (dipakai) dengan ما'نا لزموا (melazimi), maka sesuaiilah kedua-dua isim yang tersebut selepasnya menjadi maf'ul baginya.